
- 1★ مرکزی وزیر ڈاکٹر جتندر سنگھ نے اُمید ظاہر کی ہے جے بی جے پی جموں کشمیر مانہ تمام سیٹاں ور جت حاصل کر غے ات اپنی سرکار بناوے گی۔
- 2★ جموں کشمیر اسمبلی انتخابات غا پہلا مرحلہ واسطے نامزدگی غی اج آخری تاریخ ختم ہو گئی ہے۔
- 3★ بھارت برازیل 9 واں مشترکہ اجلاس کمیشن میٹنگ غی سانجھی صدارت کر رہیا ہیں۔ جس دوران جی 20 نتائج نانہ اگے بدھان غا طریقہ ور تبادلہ خیال کریں گا۔
- 4★ تے ضلع رام بن مانہ بدل پھٹن غی وجہ تیں ہوا 2 متاثرین غی لاش برآمد کر لی ہیں اور 5 لاپتہ افراد غی تلاش جاری ہے۔

Doda BJP Nomination

سابقہ وزیر مملکت شکتی راج پریہار تے جی ایس رانا نے بطور بی جے پی غا اُمید واراں غا بالترتیب ڈوڈہ مغرب تے ڈوڈہ مشرق اسمبلی حلقاں تیں اپنا کاغذات نامزدگی داخل کرایا ہیں۔ یہ نامزدگیں اپنی پوری طاقت گو مظاہر کرتاں واں پہری گئی ہیں۔ جت اُمید واراں غے ہمراہ اُن غا حمایتیاں غی اک بڑی تعداد تھی۔ مرکزی وزیر ڈاکٹر جتندر سنگھ وی اس موقع ور اُت موجو دتھا۔ جنہاں نے یاہ تسلی ظاہر کی جے بی جے پی تمام سیٹاں ور جت حاصل کرتاں واں جموں کشمیر مانہ اپنی حکومت بناوے گی۔ ڈاکٹر سنگھ نے اس طرح کہیو۔۔۔ باٹ۔۔

Kishtwar Nomination

اسمبلی انتخابات مانہ کاغذات نامزدگی پھرن غا عمل غے تحت ضلع کشتواڑ مانہ ڈپٹی کمشنر غا دفتر مانہ بکھ بکھ سیا سی جماعتاں غا لیڈراں نے اپنا اپنا کاغذات نامزدگی داخل کرایا ہیں۔ پہلا مرحلہ غے تحت اُت اج کاغذات نامزدگی داخل کروان غی آخری تاریخ تھی۔ سو شری شگون پریہار نے کشتواڑ تیں اپنا کاغذات نامزدگی داخل کرایا ہیں۔ جن غے ہمراہ بھارتیہ جنتا پارٹی غا جموں کشمیر بارے سربراہ رویندر رینہ وی تھا۔ کل بی جے پی غی طرفوں شگون پریہار مانہ کشتواڑ اسمبلی حلقہ تیں اپنو اُمید وار نامزد کیو تھو۔ بی جے پی غی طرفوں 15 اُمیدواراں غی پہلی فہرست مانہ صرف پریہار بی جے پی غی خاتون اُمید وار ہیں۔ سابقہ وزیر سُنیل شرما نے بی جے پی غا اُمید وار غے طور پر اپنا اسمبلی حلقہ تیں کاغذات نامزدگی پھریا ہیں۔ تے بی جے پی غا اُمید وار طارق حسین کین نے اندروال اسمبلی حلقہ تیں اپنا کاغذات نامزدگی پھریا ہیں۔ پی ڈی پی غا اُمید وار فردوس احمد ٹاک نے کشتواڑ حلقہ تیں ڈی ڈی سی کشتواڑ پوجا ٹھاکر نے بطور نیشنل کانفرنس اُمید وار پاڈر اسمبلی حلقہ تیں اپنا اپنا کاغذات نامزدگی پھریا ہیں۔

سابقہ وزیر غلام محمد سروری نے بطور آزاد امیدوار اندروال اسمبلی حلقہ تیس اپنا کاغذاتِ نامزدگی پہریا ہیں۔ پی ڈی پی غا شیخ ناصر نے اندروال اسمبلی حلقہ تیس اپنا کاغذاتِ نامزدگی داخل کرایا ہیں۔ واضح رہے کہ کشتواڑ ضلع مانہہ 3 اسمبلی حلقہ ہیں۔ کشتواڑ، پاڈرتے ناگسینی اندروال جت اج ڈپٹی کمشنر کشتواڑ غا دفتر مانہہ بہت سارا دوجا سیا سی لیڈراں نے وی اپنا کاغذاتِ نامزدگی داخل کرایا ہیں۔

SVEEP Reasi

ضلع ریا سی مانہہ سویپ مہم غے تحت کالج طالبہ تے آنگن واڑی ورکراں واسطے مہندی متحرک مقابلہ غو انعقاد کیو گیو۔ اس مقابلہ غے دوران رائے دہندگان نانہہ ووٹ غی اہمیت جانن واسطے ”لیٹ آس ووٹ“ تے ”لیٹ آس بیلڈ اور نیشن“ غا نعرہ وی دتا گیا۔ یوہ پروگرام ضلع چناؤ افسر ریا سی غی رہنمائی مانہہ منعقد کیو گیو۔ اس موقع و ر آکاشوانی غا نمائندہ دویندر ٹھاکر نال گل کرتاں واں سُنیندر جیت کو ر تے مہک مہاجن نے اس طرح کہیو۔۔۔ با ٹ۔۔

SVEEP Poonch

سرحدی ضلع پونچھ غا سرکاری با ٹر سکینڈری اسکول دیگوار ملدیالاں غا طلبہ و طالبات نے سویپ پروگرام غے تحت ووٹر بیداری مہم مانہہ حصو لیو۔ یا د رہے کہ ضلع مانہہ آئندہ اسمبلی چناؤ غے پیش نظر سویپ غے تحت کئی پروگرام منعقد کیا گیا ہیں۔ جن مانہہ طلبہ تے اساتذہ نے متی تعداد مانہہ حصو لیو۔ مذکو رہے پروگرام غی صدارت پونچھ حویلی غی نوڈل افسر شاہین اختر کر رہی تھیں۔ اس موقعہ و ر بولتاں واں طلبہ نے اس طرح کہیو۔۔۔ با ٹ۔۔

Vamiki Voting Right

والمیکی سماج نانہہ دفعہ 370 تے 35 اے غی منسوخی تیس پہلاں اسمبلی انتخابات مانہہ حقِ رائے دہی نہیں دتا گیا تھا اور آئندہ اسمبلی انتخابات مذکو رہے سماج غا لوک اپنا حقِ رائے دہی غو استعمال پہلی بار کریں گا۔ اس طبقہ غا لوک بڑا خوش نظر آریا ہیں۔ آکاشوانی نال گل کرتاں واں والمیکی سماج غا لوکاں نے اس طرح کہیو۔۔۔ با ٹ۔۔

Helpdesk Migrants

جس طرح جے جموں کشمیر مانہہ اسمبلی چناواں غی تیاریں چل رہی ہیں رلیف تے باز آبا د کا ری محکمہ نے کشمیر تیس بے گھر ہوا لوکاں نانہہ ووٹاں غا سلسلہ مانہہ امداد دین غی خاطر امدادی تھرو قائم کیو ہے۔ اس کاروائی غو مقصد خصوصی پولیننگ اسٹیشن مانہہ شفاف پولیننگ واسطے سہولت مہیا کرانوبے۔ سرکاری ذریعہاں غے مطابق محکمہ نے کشمیری ما ٹیگریٹاں غا آزادانہ تے شفاف ووٹ پوانا یقینی بنانو ہے۔

India Brazil Meeting

خارجی معاملات با رے مرکزی وزیر ڈاکٹر ایس جے شنکر تے برازیل غا وزیر خارجہ موزو وئره نوی دہلی مانہ نوویں بھارت برازیل مشترکہ کمیشن میٹنگ غی سانجھی صدارت کر رہیا ہیں۔ میٹنگ تیں پہلاں ڈاکٹر جے شنکر نے کہیو جے وے مثبت تبادلہ خیال با رے متمنی ہیں۔ دوئے لیڈر بھارت غی صدارت غے تحت پچھلا سال منعقد ہوئی جی 20 سربراہ کا نفرنس غا اہم نتائج وری تبادلہ خیال کرینگا۔ ا سویلے جی 20 غی سرپرستی برازیل کر رہیو ہے تے یاہ سربراہ کا نفرنس اس سال 19/18 نومبر تیں دیوئی جا ئیر مانہ ہو رہی ہے۔ بھارت تے برازیل بکھ بکھ معاملات با رے سانجھی قدران وری تعلقات رکھیں تے وزارت خارجہ غے مطابق برازیل غا ات گادورہ یوہ موقعو مہیا کرایو ہے جے سیکٹراں مانہ دو طرفہ علاقائی تعاون و حصے داری حکمت عملی نانہ مزید مضبوط کیو جائے۔

Ramban Cloud Burst

رام بن ضلع مانہ کل پیشی ویلے بدل پھٹ جان گادواقع تیں بعد ات بچاؤ آپریشن جاری ہے۔ تے اج اتوں اک 12 بہراں غا بچہ سمیت 2 لاش برآمد ہوئی ہیں۔ تے 5 دوجا گم افراد غو پتو لان با رے کوشش کی جا رہی ہے۔ آکا شوانی جموں گانامہ نگار نے دسیو ہے جے کل بعد دوپہر رام بن ضلع غی تحصیل راج گڑھ غی کھیٹ، دھرمن تے بالہ پنچایتاں مانہ بدل پھٹن سنگ ٹانگر تے ڈاڈی ندیاں مانہ سیلابی صورتحال پیدا ہو گئی۔ جس دوران بکھ بکھ خانداناں غا 7 افراد غا گم بوجان با رے رپورٹ ہیں۔ ات بو رہی لگاتار بارش سنگ بچاؤ آپریشن وی تیزی نہیں پکڑ سکیو۔ کیونجے ندیاں نالاں مانہ پانی غو بہاؤ تیز ہو وے۔ اس سیلابی صورتحال غے دوران گڈگرم تے سن سواہ علاقان مانہ کہٹوں کہٹ 2 سرکاری سکول تے کجھ ڈھانچاں نانہ وی نقصان پجیو ہے تے 3 کھلیں گڈیں وی بہ گئی ہیں۔

Basholi Festival

بسوبلی تہوار آئندہ 10 اکتوبر تیں 12 اکتوبر تک منعقد ہو رہیو ہے۔ اس غے پیش نظر ثقافت با رے پرنسپل سیکریٹری سربیش کمار گپتا نے بسوبلی غو دورو لا غے تمام تر تیاریاں غو جائزو لیو۔ اس موقعہ و رانہاں نے مقامی انتظامیہ تے عوامی نمائنداں سنگ میٹنگ کر غے اس گل وری زور دتو جے اس تہوار غی کامیابی مانہ مقامی طبقہ غی شرکت کا فی اہم ہے۔ سیکریٹری موصوف نے رام لیلا میدان تے پورٹھو غو وی جائزو لیو جت مذکورہ تہوار منعقد کیو جائے گو۔ انہاں نے متعلقہ انتظامیہ نانہ ہدایت دتی جے اس تہوار مانہ نہ صرف مقامی لوک شامل ویں گا بلکہ ہماچل پردیش تے پنجاب غا لوک وی حصو لیں گا۔ اس واسطے تمام تر تیاری سہولیات نانہ یقینی بنایو ہے۔ اس

موقع ور ثقافتی پروگراماں غے علا وہ روائتی ناچ گانا، بُنر مندی غی وی نمائش کی جائے گی۔ اور یوہ تہوار مقامی بُنر منداں نانہہ اپنا بُنر غی نمائش غو بہترین موقعو فراہم کراوے اور اس سنگ علاقہ غی اقتصادی ترقی مانہہ وی بابدو وے گو۔ پرنسپل سیکریٹری بسوبلی ٹکسال غو وی دورو لایو۔ جس نال وراثت غی بحالی تے دیکھ بھال اسکیم غا دوجا مرحلہ غے تحت بحال کیو جا رہیو ہے۔

Op Sadbhavana Poonch

بھارتی فوج غا آپریشن سدبھاونا غے تحت گو رنمنٹ کرشن چندر ڈگری کالج پونچھ مانہہ ریشم غا کیڈ پالن تے کوکون فنکاری با رے اک ہفتہ تک چلن آلی ورکشاپ منعقد ہوئی۔ اس ورکشاپ غو مقصد مقامی نوجوانان نانہہ بُنر مند بنا غے روزگار غا موقع فراہم کرنوتھو۔ اس موقع ور مذکورہ شعبہ غی ماہر ڈاکٹر روبیہ بخاری نے کوکون فنکاری با رے تفصیلی خطبو پیش کیو۔ اور اس موقع ور انہاں نے بولتاں وں اس طرح کہیو۔۔۔ باٹ۔۔

BPRD Foundation Day

مرکزی وزیر داخلہ امت شاہ پلک نوی دہلی مانہہ پولیس، تحقیق و ترقیات بیورو غا 5 وں یوم تاسیس غی تقریب مانہہ شرکت کریں گا۔ اس موقع ور وزیر داخلہ نواں جرائمی قوانین تے شہری محور انقلابات با رے ڈاکٹر آند سواروپ گپتا میموریل لیکچر وین گا۔ جناب امت شاہ سال 24/2023 واسطے ممتاز خدمات قابل خدمات با رے تمغہ حاصل کرن آلاں نانہہ صدر غا تمغاں سنگ وی نوازیں گا۔ اس تقریب غے دوران وزیر داخلہ بیورو غی اشاعت غا نواں جرائمی قوانین ور خصوصی شمارہ بھارتیہ پولیس رسالہ غو وی اجراع کریں گا۔ پولیس بیورو غو مقصد تحقیق اور ترقیات غے ذریعے خدمات با رے پولیس تیار کرنو تے ریاستی و مرکزی پولیس تنظیمیں بشکار تعاون و تال میل نانہہ بدھانو ہے۔
